



天問傳

區湖蕭雲從尺木甫畫

附注



天問者屈原之所作也何不言問天天尊不可問故曰天問也屈原放逐憂心愁悴彷徨山澤經歷陵陸嗟號旻昊仰天歎息見楚有先王之廟及公卿祠堂圖畫天地山川神靈琦瑋僑佹及古賢聖怪物行事周流罷倦休息其下仰見圖畫因書其壁呵而問之以渫憤懣舒瀉愁思楚人哀惜屈原曰世論述故其文義不次序云爾


畫天問圖總序

蕭子曰畫家之工於堵壁其楚先王之廟之遺乎古者少

居監觀以爲天道人事之正象物而動神禹鑄鼎文周勒
鐘其來遠矣第嫩迪則吉從慝則凶頰仰之間憂樂之頃
相應如響乃暴者自謂有命在天投龜詈之囊血射之悠
悠蒼天亦無可如何於若輩矣然則天至此其不可問邪
問之不可而復有對之者乎對之不得而復有畫之者乎
抑何愚哉夫羸秦恃其富彊鞭笞天下屈子見宗廟祠堂
不忍復會於荆棘中而不甘遽死逐事呵而問之彼其中
豈不知福善禍淫之若循環然邪意謂天必有不可明告
於人者與人之必有不可解於天之故者只此殘粉沉丹
照曜四壁間者淒淒然可相索也獨怪楚之筭路藍縷啓
於山林而博物如倚相者尚未數數何獨攻上國之制作
文章而爲之歟彼纒冕卷衣則五帝之繡會三王之擘收
牟追也箭鏞圭黻象珥魚簾則元公之記於攷工也圖其
事者先稽其典則明法物之不可廢也至于舞干蠻遏環
轡戎歸則知遠方之空率服也鼓刀負鼎則慶賢人之遇
也醢身披髮則慟忠直之窮也石牖桑育虎乳鳥燠脫焚
出泉則紀聖人之生不偶也燭龍之啓其長夜也岐蛇之
斃於自噬也縫裳亂倫之賈首也棘林肆情之蒙羞也牛

飲之臠也蟲屍之爭也此其儀型可鑒而報復無殊者爾
若夫大荒內外亦何所不有獸作人言鳥傾仙藥長蛇吞
象委蚌負熊白龍輕身赤鳥解羽此豈寓言托諷哉徵於
形格於理宛然目前也在也乃如入柱之爲幹維九城之不
撞折出湯谷者次蒙汜安屬放者恒曜靈三足之鳥缺唇
之貌貞明於亘古者孰得而翳之哉合而觀之無幽淑而
不彰無隱悖而不殲被讒者有蚤名竊據者無雌類不得
之於身必得之於子孫卜吉凶於大易詳褒刺於春秋何
如披圖而按雖彊梁汶閭之失未有不悚然知思者矣而
況有屈子之問反覆悲吟以發其深思哉夫秦有天下焚
燔詩書坑絕儒行此其舉其惡較之無德而鯨吞四海者
更極大也天豈容之乎嗟夫秦方自謂一世萬世矣孰知
宮中嫪毐身爲奇貨伯翳非子之祀斬之久矣蘇軾謂六
國未亡而秦先亡者是也又何待楚之三戶也歟屈子固
明知之而不敢道也不然左圖右史豈欺我哉經曰惟庚
寅吾以降嘗讀楚世家吳回代重黎與昭王卒軍中年日
皆系此以爲荆楚歲時之重余爲圖之紀適相邁也乃作
穀鬪於菟終焉

日月三合九重
八柱十二分圖



曰遂古之初誰傳道之上下未形何由考之冥昭瞢闇誰能極
 之馮翼維像何以識之明明闇闇惟時何為陰陽三合何本何
 化圓則九重孰營度之惟茲何功孰初作之幹維焉繫天極焉
 加八柱何當東南何虧九天之際安放安屬隅隈多有誰知其
 數天何所脊十二焉分日月安屬列星安陳出自湯谷次於蒙
 汜自明及晦所行幾里夜光何德死則又有厥利維何而顧菟
 在腹

十二辰祿本詩之庚午禡祭史二首六身三月龍見蒼頡
 巳蛇寅虎是也柳對烏侯卽三足在日中者也月則顧菟
 矣嘗見皇極圖三合九重入柱具焉為洛書之疇數也卽
 三百六十一為象山方罫京房之律原也非敢臆也

女岐九子



女岐無合夫焉取九子

柳對以岐靈而子也朱子引釋氏鬼子母證之鬼字即九
字紂醢鬼侯淮南曰九侯又曰九者陽之數也陰極而生
之也

伯強



伯強何厲惠氣安在

道書有伯強云古之憤忠戰殤者如睢陽所謂死當為厲是也或曰伯強卽周禮方相二字轉注故虎豹熊羆黃金四目從之



何闔而晦何開而明角宿未旦曜靈安藏

角東方星也曜靈日也按大角為帝座之首故畫鯨對以
蒼龍則亢矣於問無取地肺經謂東海日出其光九輪下
有神鯨蜿蜒吞吐之狀

天問圖
雖龜與鼈
亦過羽山



不任汨鴻師何以尚之僉答何憂何不課而行之鴟龜曳銜鮫
何聽焉順欲成功帝何刑焉永遏在羽山夫何三年不施伯禹
腹鯀夫何以變化纂就前緒遂成考功何續初繼業而厥謀不
同洪泉極深何以寘之地方九州則何以墳之

王逸云汨治也鴻鴻水也師衆也堯放鮫於羽山飛鳥蟲
曳鯀而食之三年不舍其罪鯀恨愎而生禹遂平九土嗟
乎爲國而死蒙罪何辱况有益愆之聖邪世又水經代有
天下食報宜矣故悉畫之以辟符命之說又按汨謂亂也
書曰鯀堙洪水汨陳其五行王逸東漢人未見古文尚書
爾

應龍畫河海



應龍何畫河海何歷紘何所管禹何所成


注禹治水時有神龍以尾畫導水徑焉余見唐李昇作禹
貢圖末有龍以曳尾於九山水氣騰沸如是

蕭回馮怒堅何故以東南傾九州何錯川谷何洿東流不溢孰
 曾城九重可外辟



康回馮怒堅何故以東南傾九州何錯川谷何洿東流不溢孰
 知其故東西南北其脩孰多南北順隳其衍幾何崑崙懸圃其
 尻安在增城九重其高幾里四方之門其誰從焉西北闢啓何
 氣通焉

康回共工名也其工與顓頊爭為帝不得怒而觸不周山
 天維絕地柱折故東南傾夫匹夫之勇素墜綱常倒替天
 澤大槩如是小兒駭汝之對誠魯魯也 滂深也柳曰州
 錯富媪爰定於趾按前漢書禮樂志媪神宴娛愚謂淳渚
 之義見兩間于古何所不容則東流不溢孰知其故隳音
 妥狹長也 崑崙山在西北其巔曰縣圃上通於天不必
 蓬首虎齒為西王母之對也 淮南子崑崙之山其高萬
 五千里 天地四方之門嗟乎事理盛衰如氣寒暑迭陳
 炎炎者滅矣楚懷秦政今安在我




燭龍華炎



日安不到燭龍何照羲和之未揚若華何光何所冬暖何所夏
寒

西北有幽冥無日之國有龍銜燭而照之 羲和日御也
若華若木也 北有冰山故夏寒南有炎州故冬煖此亦
漫漫長夜之問爾見僧繇作山海經有此圖郵春謂搏桑
若木東方之神也



石林獸音

焉有石林何獸能言

石林有木猩猩能言

按西極有不木之山

負龍
負



焉有虬龍負熊以遊

王逸云有無角之龍負熊獸以遊
或曰寓周比爲惡之義

柳對不角不鱗是也

雥九首



雄虺九首儵忽焉在

注虺蛇也儵忽電光也
日忽恐非電光也

莊子南方之帝曰儵北方之帝



何所不死長人何守靡萍九衢泉華安尻

括地象曰有不死之國長人防風氏又長狄愚謂上古有
 無路之人舉步千里身半繞雲下視五嶽如剖婁也 萍
 水草而生於九衢之路泉麻也



習中吞象



一蛇吞象厥大何如

南方有翳蛇吞象二年然後出其骨是也蛇屬巳巴益以
 舌畫者象形也他本作靈蛇柳作巴蛇

黑水延年
岷負祿居



黑水玄趾三危安在延年不死壽何所止鯨魚何所魃堆焉處

玄趾三危皆山名黑水出崑崙柳對胡紛華漫汗而諧
謂不死言名生而實死也王逸云鯨魚鯉也四足出南
方魃堆奇獸也然舊注山海經鯨魚在海中近列姑射
山堆當為雀魃雀在北號山如雞虎爪食人觀柳對知前
注誤矣



羿焉彈日烏焉解羽

淮南子堯時十日並出堯令羿射中九日日中九鳥皆死
墮其羽翼夫甲癸循環謂盡於十日非十日並出也茲
姑從其妄又舊注山海經大澤千里羣鳥之所鳥當作鳥
亦柳對也

獻功最中龜飽離孽
片革播歸九穰九歌



禹之力獻功降省下土四方焉得彼嶠山之女而通之於台桑
閔妃匹合厥身是繼胡為嗜欲不同味而快龜飽啓代益作后
卒然離蠶何啓惟憂而能拘是達皆歸躬籍而無害厥躬何后
益作革而禹播降啓棘賓商九辯九歌何勤子屠母而死分竟

堅

龜早也與朝同離遭也蠶憂也台桑地名拘隔也射行也
籍窮也謂有屈氏之所行皆窮惡也棘陳也賓列也商宮
商也九辯九歌啓所作樂也屠膈剝也王逸云禹膈剝母
背而生其母之身分散竟地朱子曰啓棘賓商當作啓夢
賓天如秦穆公趙簡子夢上賓於鈞天九奏萬舞也古象
夢字似棘天字似商愚謂身本九宮如考工股唇怒以制
弁鬱之器於簣箕也制失久矣聊存於此



帝射河伯
妻役罔獲



帝降夷羿革孽夏民胡羿射夫河伯而妻彼雒嬪馮珧利決封
 豨是射何獻蒸肉之膏而后帝不若浞娶純狐眩妻爰謀何羿
 之射革而交吞揆之

河伯化為白龍羿射眇其一目也 羿又夢與雒水神宓
 妃交馮珧利決封豨是射者言不德唯恃其弓以射神獸
 為畋獵之娛也按王注真柳對皆錯襍無叙而白龍魚服
 則子胥有豫且之喻想原本於是邪



巖蘇黃熊
蘇并修盈

阻窮西征巖何越焉化而為黃熊巫何活焉咸播秬黍藿是
營何由并投而鮫疾脩盈

熊音奴來切三足鱉也鮫人羽淵巫醫莫活之矣或曰熊
力能刊木靈助禹功遂能播黍豈疾惡修長而貫盈哉說
異取而為圖



白蜺嬰弗胡為此堂安得夫良藥不能固藏天式從橫陽離爰
 死大鳥何鳴夫焉喪厥體

蜺雲之似龍者弗雲之似虵者蜺弗相嬰在此祠堂也
 崔文子學仙於王子喬化為白蜺而嬰弗持藥與文子文
 子驚怪引戈擊蜺因墮其藥視之則子喬之屍也崔文子
 取子喬之尸覆之以敝筐須臾化為大鳥飛鳴而去注事
 奇特與柳對鑿鑿有據遂畫之

并下頭帶鹿
戴陵行



并號起雨何以與之撰體協脅鹿何膺之鼈戴山抃何以安之
釋舟陵行何以遷之

并翳雨師名號呼則雨興 天撰十二神鹿一身八足兩
頭 鼈大龜也擊手曰抃巨靈之鼈背負蓬萊山而抃獻
於海若舟使龜舍水而行於丘陵何能遷徙此山乎皆本
注也或曰釋舟陵行即界盪舟也是不然

少康逐豷



惟澆在戶何求于嫂何少康逐犬而顛隕厥首女岐縫裳而歸
同爰止何顛易厥首而親以逢殆

朱楊注云澆多力至嫂之戶佯有所求而遂淫之少康因
獵放犬遂襲澆而斷其首○王注云誤斷其嫂首也今因
之特圖以爲禽獸行者之誠

湯謀易旅



湯謀易旅何以厚之覆舟斟尋何道取之

湯謀變夏衆以從已也 少康滅斟尋氏疑錯簡然圖已
多矣附是不贅

桀伐蒙山
湯履妹喜



桀伐蒙山何所得焉妹嬉何肆湯何殛焉

桀伐蒙山之國而得妹嬉湯乃殛之

舜閔堯也



舜閔在家父何以鰥堯不姚告二女何親厥萌在初何所意焉
璜臺十成誰所極焉

注堯作玉臺十里此語寃哉故附於舜閔在家後



女媧

登立為帝孰道尚之女媧有體孰制匠之

注女媧人頭蛇身一日七十化其體如此柳對曰工獲詭之謂畫師所致也何獨不然路史謂登立即女媧名故合

圖

舜服厥弟



舜服厥弟終焉爲害何肆犬體而此身不危敗

注但云其肆犬豕之心不能危敗舜之身也至柳對始有畢屠水火之說惟孟子亦云然也

出山嶽兩明子



吳獲迄古南嶽是止孰期去斯得兩男子

自泰伯仲雍去吳太史公以吳始世家傳首伯夷貴讓也
荆蠻之逃而復有季札之苗裔奇哉

緣鵠饗帝
降觀罰勅



緣鵠飾玉后帝是饗何承謀夏桀終以滅喪帝乃降觀下逢伊
摯何條放致罰而黎伏大說

伊尹緣烹鵠羹飭玉鼎以事湯湯以為相又云湯出觀風
俗而逢尹也然畫師取異事以圖而觀者以子輿氏為正

今
日
之
喜



